

通園主人三編

南石





抱孫先生再領兩淮轉運之任 枚江

左末吏靡由識荆門人王梅坡
自揚州道先生問枚甚悉并
誦其壁間題句枚竊喜自負恭
賦不言四五年渡江求教知己
之感情見字詞



離江上草渺雲中君問之
隔以九霄雲遠蒙春葱手
芬濺面未有期芳訊先氤氳
不做鳳

凰謀亦無青鳥使獨抱明月
懷垂光
以千里山雞舞鏡車駿馬
不畏路長相知感君子



君子夫以何縹纓翰墨場
領古維揚愛才奉天性直道事君王
孤芳衆草忌謠詠群兒傷遠辭國西
門拔劍走大荒白日澹穹廬黃河沃
陽胡笳十篇勅勒三千行磨盾作龍
鳴流音激羽商玉殿察精誠金雞馳
夜即轉運煩子駿和溝需張綱新病
試國手舊厨凋羹湯錢船重渡海瓊
花開未央笑

指廣陵濤何如塞上霜

商賈不与齒周公有令言工商新錦繡漢
制垂明文惜哉擊壤錫胸即專字益馬醫
而擊鐘此輩竟紛紛我公秉傳事秋霜
南龍門移吾亦已屯山海罄遺藏東南鮮
奪根文學懷易莫請為大夫陳願公
為劉晏理財先養民不願為常臯
月進徒紛紛：禮貌抑狙獪能使名
器尊少府歸大農長亩天地春皇：堯
舜術敢責夔龍身

宋時呂文獻大開雲山閣遠憶廬陵叟文
飲相徵逐其時少游輩車騎揚州霍擊
鉢催酒籌歌詩刻銀燭上有愛才人下
有傳世作垂：五百載大雅渺誰續公再
登驂壇高秋立鷓鴣一笑吞牙郎千金
招空谷萬里走才俊如水趨大壑春歸
鳥盡鳴燈紅花不落廿四橋邊星文
昌光煜：盛事傳雞林香風軼宛洛
不見杞果妻猶能變國俗

前江寧吏表放呈稿并書近作
於後



春愁忙受碎与他同瘦十多天
才去一梢如白就忽抽千朵春雲濃三
夏以後看不見明月一重霜一重
山空春得嬌情性喜早長面如華華
恰惱一林香太遠如人尋得着多少
挾蝶三子鬥白雲鈎簾揭帳後先聞山
人自玉梅花國莫怪長迷不事君
一般玉露搖多秋山北山南分早遲恰使
人心憐舊雨最開多是隔年枝
笑將菱鬢潤橫斜自曳藤條吸玉霞

尚有一株山背後絕無人看只用花

折梅

要把疎：密：分剪刀搖動萬重雲折車
四顧無人贈還供書寫我伴君
前年消息院頭探今日瓊林酒正酣手把
一枝問羞笛幾回春雪別江南
侍兒心性愛風華爭采春風鬢上加
自捲一菱蝴蝶袖忍寒先仰最高花

菩提塲古梅歌限大字與周蘭坡學士分作

從來廟古樹必怪竟有梅花塞廟大南都兩寺大者三菩

提一株母乃太有如人形共七尺忽然丈六金身在三寸之
珠十圍玉此物豈合存塵界勃：擊將雨雪飛童：欲把
扶桑蓋一白光搖大殿明半開影壓僧房隘孤根入地花
入天身在寺中香在外我生愛梅如愛色得此傾國瘡搔
疥初疑導從萬玉妃水精宮闕搖環珮又疑白象散天花
牟尼珠子穿旌旆睽：萬目摩青柯喋：方言議根派老
僧古貌長眉青問樹疑年默不對但說前朝焦狀元曾坐
梅陰拊梅背我聞其言彈護指陣：劫灰飛衣帶幾行青
史後梅成幾堆白骨先梅壞梅花無情春有情年：二月
開無賴長陪仙鶴記堯年未了人間香火債花氣蒸為十
里雲繁枝布施千人戴勸汝莫矜橫斜影江南城小身為
礙愁汝狂吹清冷香諸佛聞之鼻破戒人生眼界那有窮
物拔其尤意殊快咲我隨園二十弓年：種梅如種菜不
妨無事有其心老衲大窮將汝賣巨靈隻手掘梅根駱駝
萬匹拉梅載移植千枝萬枝中諸峰忽壓當頭岱逝將聘
汝力不能行且尋君一而再諸公借我禮佛頭且對此梅
三百拜

贈吳將軍 并序

將軍從忠勇公征金川三戰皆捷金川懼有降意
將軍請身說之以一騎行酋長數千虬鬚惡面拔

刀怒睨將軍直入虜帳熟睡不起次早召諸酋責以大義譬曉禍福酋長陰喝不得語乃椎牛行炙饗舞襍進日拔刀者稍退矣定約正月初六日親詣大軍受降凱旋後天子召見勞以酒擢官總戎癸酉臘月掛冠奉八十七歲老母歸西川余相見于秦淮酒場上追述前事喜而作詩

天威西斬莫離支有詔將軍匹馬飛萬種頭顱堆甲帳九邊風色試征衣能教鐵勒驚三箭不用官兵殺一圍戰罷雪花如掌大硬弓還射白狼歸

陰山誰築受降城車騎從容自請行鼻息如雷酣席穴刀光抽雪待花卿捧盤香火朝初耳傳箭江山夜罷兵椎盡肥牛三百隻歸來殘月在西營

閃：紅旗海色開妖星半夜掃龍堆闔門歌舞張嬰出滿帳香煙郭令來鐵馬無聲朝玉闕金瘡不裹上雲臺男兒此處難消受天子親斟酒一杯

尊前老去霍嫖姚能說單于謁渭橋百戰餘生歸膝下三朝冷甲贈漁樵尋春雪嶺花初放磨劍崆峒酒未消聞道雲中需魏尚再看獵火照金貂

騙馬歌為傅總戎作

按通典曰武舉制木馬于里問問教人習騙謂躍上

馬也總戎諸士習之較精馬

嚴霜白耀演武場馬騰士飽秋日長將軍教觀軍士戲投石超
距試古方牽來老馬如木馬柴立不動僵中央儀氏丁中帛氏
齒沙囊壘定古渠黃健兒抹額縛窮袴短衣都學廣川王一人
騰蹕學饑隼卓立馬首當秋岡一人挽鬣肆蹴踘反腰貼地唱
伊涼或躡凌輕超陣過紙鳶飛起黃頭郎或翻兜鑿掛馬腹倒
躍井底追沈光慙如老熊臥當道捷如袒髮遊呂梁健如堯廟橫
蹋壁快如樓季踰短牆超如西域白獅子望塵嗅地知兵糧妙如
獼猴與狗鬪羊淫鷲傲蝴蝶狂人視馬如泰山穩馬視人如蒼
蠅翔一人萬馬如兒戲萬人一馬如家常烏虵龍席不可測觀

者有首但低昂三十六番伎奏畢六龍閃：顏西荒我聞擊賊
貴習膽擲塗賭疏夸精良又聞武侯制遊兵二十四陣翼兩旁
侯景難犯緣陣脚馬隆戰勝因偏箱似此銀刀兼柺子橫衝天
下何人當將軍大笑鳴頰起樹梨普梨歌不止手舞長劍青天
裏次及戈爰槍槊矢一回一試一自喜生逢六合無泥滓不入
沙塲決生死但縛大盜三千耳拖腸格鬪血衣紫兵法可傳世
有幾願屈張良為弟子贈汝圮橋書一紙酒酣長嘆手西指
如此夕陽吾老矣

山居絕句十四首

草：亭臺布置置餘今年真箇愛吾廬牙籤都放西廊下自

有斜陽來曝書

朱藤花壓讀書堂分得桐陰半
畝涼新製玻璃牕六扇闕
門依舊月如霜

鎮日山腰劇白雲裁量煙草話
紛：春衫不用金爐熱自
向百花香裏薰

澹：春陰暝色遲倒拖藤杖上
山時野田衝過半橋雨驚
起一雙白鷺鷥

穿林繞磴探青霞空翠無聲染
葛紗笑撲衣裳似蝴蝶半
粘竹粉半松花

山頂窓吹暮雨寒飛雲出入小
闌干浮天白浪西南角掛
起長江屋裏看

高樓風大易生秋客散青天酒
不收六代雲山孝陵樹一
齊排着使人愁

半山落日影亭：雲外天鷄斷
續聽坐到月明風漸緊一
痕煙斷萬山青

碧桃花夾兩重溪新舊芙蓉葉
未齊不斷黃梅時節雨春
深漸：板橋低

青蘆葉：動春潮堤上楊花帶
雪飄滿地月明仙鶴語碧
天如水一枝簫

彈着風琴坐露臺
簾聲拂：草痕開柴門客到無人管
徑

向白雲深處來

睡斷殘春花影紅高簷無數鳥呼風深堂靜聽鈎輶響幾箇黃鸝烟雨中

萬重寒翠盪空明四面紅墻築不成一丈籬笆千樹竹山中我自長城

客秋此日正長途萬里歸來猿鶴呼半夜松濤聲作雨尚疑飄泊在江湖

丁巳冬僕與郭鳳池侍講為車笠故事其三人則鄧元

長謝偉人李傅天也今鄧謝都已化去余與侍講別

十二年見于秦淮亭子侍講贈詩四章嚴催和韻會

聞有杜牧尋春之語故有第三首

當頭新月墜纖纖十二年來吏隱無人似孤鴻雲聚散詩如老吏律精嚴黃梅雨久秦淮潤紅藕花深畫舫添臨水角巾應役倚六朝春在水晶簾

攜手鷄壇五少年山河一夢酒壚邊參軍蠻語今能否海上琴聲更渺然舊雨竟無知己賦新詩偏有悼亡篇夕陽小騎梅花影苦憶金臺掃雪天

欲續鸞膠帶雨聽風驟小住玉河亭家短笛橫牕過日日長看隔水青深夜花明燈照影雕欄酒罷月當庭尋春我有藍橋路且飲瓊漿再乞靈

南州纔遇郭林宗又說歸心似轉蓬
領畧鶯花辭白下安排環珮侍青宮
天邊月落應思我山裏雲多不贈公
遮莫題襟桃葉渡暮潮愁送夕陽紅

春雨樓題詞為張冠伯作

江南九月秋雨多采菱女兒唱櫂歌
歌聲宛轉入雲去木葉慘澹水不波
金荃譜好何人製道是京江張公子
公子滄桑四十年郤人約畧能彈指
儂住錢塘江上村錢塘作鎮李將軍
乘龍嬌得張廷賞花燭人間第一春
崔盧門第武安家弄玉吹簫鳳引車
艷：珠燈金作屋層：步障月當花
兩家聲勢氣如虹况復明珠出掌中
兒女爭窺仙恍

惚笙歌填塞路西東官銜書禿三千管
釵費頻需百萬工自憐短髮初垂額
鴨闌也看羊車客望得衣裳影半痕
便成春夢三生隔長安作隊走名場
市上相逢各老蒼忝着宮袍歸索婦
馬頭才拜北平王此時金印已模糊
此日華堂錦尚鋪聞說霓裳家按譜
有時玉女共投壺憐才到處夸袁席
意氣公然似灌夫誰知白日堂：去黑雲
一陣風來處竇氏貪爭沁水田石家禍
起珊瑚樹魏其賓客霍家奴崑岡火失
燒無數仲山父鼎孔埋鐘魯與河山誓
始終兩入天牢都脫手一朝平地躡秋風
雄鷄斲尾何人悟象齒焚身自古同
禍水家：欲滅難命燈誰肯續三竿罪雖

全雪家何在，以竟無名骨。不寒青山莊，在路人遊臺榭荒涼。
草數邱羊侃，歌姬辭苑謝。公絲竹剩空樓，門留賣帖風吹。
白樞過橋心，水不流可憐一品。令公孫曾，是當年看殺人飄。
泊鰓魚身一箇，春雨樓中淚。潛墮唱斷秋山紅豆枝，曉風殘。
月真無奈，吳苑三更烏夜啼。南唐一闋家山破，芳草茫茫六。
代烟白頭重遇柳屯田，耳聾怕聽興亡事。手滑能調斷續絃，
乞食吹簫歸不得，為人權作李龜年。樂府千章韻更嬌，旗亭
雪小月輪高。曲終酒散琵琶斷，惟有秋江咽暮潮。

八月二十九日同沈補蘿潘筠軒李晴江探桂隱仙菴
歸憇古林寺

遊山同隊行，看山各自領。不逢桂花開，且踏桂花影。桂蕊
何離，蓄意如未逞。寒潭明空霜，禪室納虛景。脉脉夕陽
沈冷，天風冷。道人登竹樓，彈琴萬山頂。

曳杖隨所如，小憇古林寺。經聲如有人，松花飄滿地。一僧
長眉青萬竹，短籬翠為我。滌齋厨，供以伊蒲味。時當晚
課齊，各參佛義。余亦慧業人，拈花領微示。出門秋正清，
下山月猶未。頭上雲一重，鐘聲渺煙際。

別家孝廉蕙楊

綠水初浮棹，青山忽隱君。落花江上雪，殘笛隴頭雲。秋影
詩同澹，離筵酒不醺。河梁送行曲，小謝最先聞。

送秋四首

彈琴送秋色問欲去何方樹影一簾薄蟲聲徹夜忙月高
風漸定水近意先涼趁此冰絲冷因之奏履霜
滿背馱紅葉扶藜踏白雲九州同落木一鴈感離群樹禿
長江逼松青百草分夫客好顏色遲暮怨湘君
目中鴻爪去意外雨聲來小雪如春暖黃花夾杏開山深
無宿客月好有空臺隱几昏坐飄然酒一杯
落日上高樓江山面收紅墻蕭寺小黃瓦孝陵浮暝色
千村靜長年一葉愁流黃中婦語好整鹿皮裘

郭韻青侍講與令兄進士某同時北上忽然計至寄輓

四章

自敲湘竹寫哀辭
獲弔薇之與獻之一別便傳人永訣百
年從此事難知
朝天孤鳳凌風去
半夜紅蘭帶雪垂
惆悵浮生真草草不如落葉有秋期

如此人難過四十可憐官
正要三遷都非意料真為命
但怕傷心不是天
南國琴書誰嗣續
東宮環珮亦潺湲
羊曇苦唱桓伊輓
拾得殘魂月一船
渺渺河山酒未消
五人同社幾人凋
十年香案春騎馬
八月青溪夜聽簫
夢醒名塲堆宿草
淚彈江上起秋潮
良辰美景朝朝是
先後相看漸寂寥

故人何處奠椒漿但有題棺字數行
春雨紅燈三日夢弟兄白骨一天霜
金鷄感入流年外方相逢迎大路旁
那等山陽吹玉笛鬢絲此日已蒼浪

北魏孝靜帝移宮處

佛狸子孫土運終魚羊食人來九龍抱
獅帝子顏如玉垂衣班朔明光宮
臣澄獻酒陛下聖忽然三拳拘脚朕
此人又似不相容請別六宮無所恨
握璽親辭白玉床美人泣下空斷腸
三千花枝帶紅雨一齊灑向黃衣裳
中有窈窕李賢妃掩泣請歌曹王詩
願王加餐保玉體願王永享黃髮期
明知此別誰相見長歌且作須臾戀
新朝司馬在旁

催不送君王出寢殿碧海青天白日斜
生世帝王家剛送故君低忍淚又迎新
主強簪花聽說龍髯投漳水忍看玉骨
打琵琶吁嗟乎如席如龍未十年又見
灣頭乞小憐

登華山

太華峙西方倚天如插刀閃爍鐵花冷
慘澹陰風號雲雷莽回獲仙掌時動搖
流泉鳴青天亂走三千條我來躡芒
躡躡逸氣不敢驕絕壁納雙踵白雲埋
半腰忽然身入井忽然影墜果天路望
已絕雲棧斷復交驚魂飄落葉定志委
鐵鐐閉目謝人世伸手探斗杓屢見前
峰俯愈知後歷高

白日歿崖上黃河生樹梢自笑亡命賊不如升木杵以復自
崖返不敢向頂招歸來如再生兩眼青寥寥

馬嵬

倚杖營門淚數行君臣此際太倉皇興平一詔三軍泣何
必傷心向佛堂

莫唱當年長恨歌人間亦自有銀河石壕村裏夫妻別淚
比長生殿上多



